



Broj: 02-05-22688-1/13
Sarajevo, 03.09.2013. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na 33. sjednici održanoj **03.09.2013.** godine, donijela je sljedeći

ZAKLJUČAK

1. Prima se na znanje Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec juni 2013. godine.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.

P R E M I J E R

Suad Zeljković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



I N F O R M A C I J A
O STANJU KRIMINALITETA, JAVNOG REDA I MIRA I SIGURNOSTI
SAOBRAĆAJA NA PODRUČJU KANTONA SARAJEVO
ZA MJESEC JUNI 2013. GODINE

1. KRIMINALITET

1.1. OSNOVNI STATISTIČKI POKAZATELJI KRIMINALITETA

U mjesecu junu 2013. godine, na području Kantona Sarajevo registrovano je 497 krivičnih djela¹ što je za 37 ili 6,9% manje u odnosu na isti mjesec prethodne godine (tabele 2,3).

Od ukupnog broja registrovanih krivičnih djela, 133 ili 26,8% izvršeno je od strane poznatih, a 364 ili 73,2% od strane nepoznatih izvršilaca (tabela 1).

Za 169 djela² ili 46,4% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 85 krivičnih djela iz izvještajnog, a 84 iz ranijeg perioda (tabela 1).

Iz naprijed navedenog proizilazi da su službenici Uprave policije MUP-a KS u mjesecu junu 2013. godine za ukupno 302 krivična djela ili 60,8%, identifikovali osumnjičene izvršioce, što je za 2,3% manja u odnosu na isti mjesec prethodne godine (tabela 3).

(tabela 1.) Osnovni statistički pokazatelji kriminaliteta u mjesecu junu 2013. godine

Broj KD			Broj KD za koja su naknadno identifikovani osumnjičeni izvršioци		Broj prijavljenih lica			Lišeno slobode
Ukupno	od toga		Ukupno	od toga iz ranijeg perioda	Ukupno	od toga		
	po poznatom izvršiocu	po NN izvršiocu				maloljetnici	povratnici	

¹U ovom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 431 obavijesti o događajima u kojima je pričinjena neznatna materijalna šteta.

² Struktura krivičnih djela za koja su naknadno identifikovani osumnjičeni izvršioци: teška krađa – 104 djela, krađa – 25, razbojništvo – 12, teška krađa u pokušaju – sedam, razbojništvo u pokušaju, utaja i nasilničko ponašanje – po tri, ugrožavanje sigurnosti i prijevera – po dva, teška tjelesna ozljeda, lahka tjelesna ozljeda, krađa u pomaganju, oštećenje tuđe stvari, iznuda, iznuda u pokušaju, prikrivanje i lažno prijavljivanje - po jedno djelo.

497	133	364	169	84	236	14	160	87
-----	-----	-----	-----	----	-----	----	-----	----

Zbog postojanja osnova sumnje da su počinili krivična djela prijavljeno je 236 lica (53 manje), od čega je 160 povratnika (32 manje) u izvršenju krivičnih djela (ili 67,8%), 14 maloljetnika (sedam manje), a 87 lica je lišeno slobode (40 manje). (tabela 1).

(tabela 2.) Pregled kriminaliteta na području Kantona Sarajevo u mjesecu junu 2013/12. godine posmatrano po glavama KZ FBiH-a (Sl. novine FBiH-a br. 36/03)

KRIVIČNA DJELA	juni 2013.	juni 2012.	uporedba		rasvj. juni 2013.g	
			+/-	%	broj kd	%
Protiv života i tijela	16	16	0	isto	14	87,5%
Protiv slobode i prava čovjeka i građanina	11	23	-12	-52,2%	11	100%
Protiv spolne slobode i morala	3	1	2	200%	2	66,7%
Protiv braka, porodice i mladeži	17	22	-5	-22,7%	17	100%
Protiv zdravlja ljudi	20	26	-6	-23,1%	20	100%
Protiv imovine	383	383	0	isto	194	50,7%
Protiv okoliša, poljop. i prirodnih dobara	0	1	-1	---	0	---
Protiv opće sigurnosti ljudi i imovine	8	9	-1	-11,1%	5	62,5%
Protiv sigurnosti javnog prometa	8	7	1	14,3%	8	100%
Protiv pravosuđa	1	1	0	isto	2	200% ³
Protiv javnog reda i pravnog prometa	25	37	-12	-32,4%	24	96%
Protiv podmićivanja i kd protiv službene i druge odgovorne funkcije	1	0	1	---	1	100%
ZONDINOM-a - Zakon o nabavljanju, držanju i nošenju oružja i municije (Sl.novineKS br.38/07)	4	8	-4	-50%	4	100%
UKUPNO	497	534	-37	-6,9%	302	60,8%

U mjesecu junu 2013. godine u odnosu na isti mjesec prethodne godine, zabilježeno je smanjenje broja registrovanih krivičnih djela za 37 ili 6,9%. Značajnije smanjenje evidentirano je u oblasti protiv slobode i prava čovjeka i građanina (za 12 ili 52%), javnog reda i pravnog prometa (za 12 ili 32,4%) , zdravlja ljudi (za šest ili 23,1%), braka, porodice i mladeži (za pet ili 22,7%), itd. (tabela 2).

(tabela 3.) Pregled prijavljenih i „rasvijetljenih“ krivičnih djela u junu 2013/12. godine po policijskim upravama

MJESEC	ORG. JEDINICA	MUP KS u sjed.	I PU	II PU	III PU	IV PU	V PU	ukupno
JUNI 2013. GODINE	BROJ KRIVIČNIH DJELA	26	132	116	84	88	51	497
	BROJ RASVIJETLJENIH KRIVIČNIH DJELA	23	76	73	60	38	32	302
	PROCENAT RASVIJETLJ.	88,5%	57,6%	62,9%	71,4%	43,2%	62,7%	60,8%
Σ	BROJ KRIVIČNIH DJELA	28	142	106	109	83	66	534

³ Tokom mjeseca juna „rasvijetljeno“ je i jedno djelo izvršeno u mjesecu maju ove godine (iz člana 347. KZ FBiH-a – lažno prijavljivanje)

2012. GODINE	BROJ RASVIJETLJENIH KRIVIČNIH DJELA	20	81	55	77	59	45	337
	PROCENAT RASVIJETLJ.	71,4%	57%	51,9%	70,6%	71,1%	68,2%	63,1%
UPOREDBA JUNI 2013/12. GODINE	+/- KD	-2	-10	10	-25	5	-15	-37
	+/- RASVIJETLJ. KD	3	-5	18	-17	-21	-13	-35
	+/- % RAS.	17,1%	0,6%	11%	0,8%	-27,9%	-5,5%	-2,3%

(tabela 4.) Pregled registrovanih krivičnih djela na području Kantona Sarajevo u mjesecu junu 2013. godine

ČLAN	KZ	Naziv člana	UKUPNO		
			KD ⁴	NN	NI
			497	364	169
166/28	FBiH	UBISTVO U POKUŠAJU	1	0	0
172	FBiH	TEŠKA TJELESNA OZLJEDA	11	3	1
173	FBiH	LAHKA TJELESNA OZLJEDA	3	1	1
174	FBiH	UČESTVOVANJE U TUČI	1	0	0
183	FBiH	UGROŽAVANJE SIGURNOSTI	11	2	2
203/28	FBiH	SILOVANJE U POKUŠAJU	1	1	0
206/28	FBiH	PRINUDA NA SPOLNI ODNOSA U POKUŠAJU	1	0	0
208	FBiH	BLUDNE RADNJE	1	0	0
222	FBiH	NASILJE U PORODICI	17	0	0
238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DROGA	7	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA	13	0	0
286	FBiH	KRAĐA	78	66	25
286/28	FBiH	KRAĐA U POMAGANJU	1	1	1
287	FBiH	TEŠKA KRAĐA st 1.tačka a)	202	201	77
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN	23	22	27
287/28	FBiH	TEŠKA KRAĐA U POKUŠAJU	8	8	7
289	FBiH	RAZBOJNIŠTVO	30	26	12
289/28	FBiH	RAZBOJNIŠTVO U POKUŠAJU	5	5	3
290	FBiH	UTAJA	7	4	3
293	FBiH	OŠTEĆENJE TUĐE STVARI	16	9	1
294	FBiH	PRIJEVARA	7	4	2
295	FBiH	IZNUDA	2	2	1
295/28	FBiH	IZNUDA U POKUŠAJU	1	1	1
296	FBiH	UCJENA	1	0	0
300	FBiH	PRIKRIVANJE	2	1	1
323	FBiH	IZAZIVANJE OPĆE OPASNOSTI	8	3	0
333	FBiH	UGROŽAVANJE JAVNOG PROMETA ZBOG OMAMLJENOSTI	2	0	0
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA	6	0	0
346	FBiH	POMOĆ UČINITELJU POSLIJE UČINJENOG KRIVIČNOG DJELA	1	0	0
347	FBiH	LAŽNO PRIJAVLJIVANJE	0	0	1
358	FBiH	SPRJEČAVANJE SLUŽBENE OSOBE U VRŠENJU SLUŽBENE RADNJE	2	0	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI	2	0	0
362	FBiH	NASILNIČKO PONAŠANJE	14	4	3
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJAMA	2	0	0
373	FBiH	KRIVOTVORENJE ISPRAVE	5	0	0

⁴ UKUPNO KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NI - broj krivičnih djela za koja su naknadno identifikovani osumnjičeni izvršioци

384	FBiH	PRONEVJERA U SLUŽBI	1	0	0
ZON.	ZON.	ZONDINOM (Sl. nov. Kantona Sarajevo br.38/07)	4	0	0

1.2. PREGLED KRIVIČNIH DJELA PO OBLASTIMA

1.2.1. KRIVIČNA DJELA PROTIV ŽIVOTA I TIJELA

Tokom mjeseca juna 2013. godine u ovoj oblasti evidentirano je 16 krivičnih djela (isti broj djela kao u junu 2012. godine), i to: ubistvo u pokušaju – jedno djelo (tri manje), teška tjelesna ozljeda – 11 (pet više), lahka tjelesna ozljeda – tri (dva manje) i učestvovanje u tuči – jedno djelo (isti broj djela).

Zbog postojanja osnova sumnje da su počinili navedena djela, nadležnom tužilaštvu podneseni su službeni izvještaji protiv 18 lica, a četiri su lišena slobode.

- Dana, 10.06.2013. godine, oko 23,50 u ulici Logavina, opina Stari Grad, F. Ahmed (1967) je nakon kraće verbalne prepirke upotrebom noža nanio teške tjelesne ozljede opasne po život Memagić Hamletu (1956). Zbog postojanja osnova sumnje da je počinio krivično djelo **iz člana 166. u vezi sa članom 28. KZ FBiH-a (ubistvo u pokušaju)** isti je lišen slobode i uz službeni izvještaj predat nadležnom tužilaštvu.

1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 11 krivičnih djela (12 manje) - ugrožavanje sigurnosti, za čije izvršenje je prijavljeno je 11 lica, a jedno je lišeno slobode.

Krivična djela ugrožavanja sigurnosti evidentirana su na području općina: Novi Grad – pet, Novo Sarajevo – tri, Stari Grad, Vogošća i Hadžići – po jedno djelo, a počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

1.2.3. KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirana su tri djela (dva više) i to: silovanje u pokušaju, prinuda na spolni odnošaj u pokušaju i bludne radnje – po jedno djelo, za čije izvršenje su prijavljena dva lica, koja su uz službeni izvještaj predata nadležnom tužilaštvu.

1.2.4. KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 17 djela (pet manje) - nasilje u porodici, za čije izvršenje je prijavljeno 17 lica, a 14 je lišeno slobode.

Krivična djela nasilje u porodici evidentirana su na području općina: Novi Grad – pet, Novo Sarajevo i Ilijaš – po tri, Centar i Hadžići – po dva, Stari Grad i Ilidža – po jedno djelo.

1.2.5. KRIVIČNA DJELA PROTIV ZDRAVLJA LJUDI

Prijavljeno je 20 krivičnih djela iz oblasti protiv zdravlja ljudi (šest manje) i to:
 - neovlašćena proizvodnja i stavljanje u promet opojnih droga (čl. 238. KZ FBiH) – sedam,
 - posjedovanje i omogućavanje uživanja opojnih droga (čl. 239. KZ FBiH) – 13 djela.
 Zbog postojanja osnova sumnje da su počinili navedena djela podneseni su službeni izvještaji protiv 20 lica , a 13 je lišeno slobode.

- Policijski službenici Uprave policije su u mjesecu junu ove godine Kantonalnom tužilaštvu Sarajevo podnijeli službene izvještaje protiv sedam lica zbog postojanja osnova sumnje da su počinili krivično djelo **iz člana 238. KZ FBiH-a (neovlašćene proizvodnje i stavljanja u promet opojnih droga)**, te protiv 13 lica zbog postojanja osnova sumnje da su počinili krivično djelo **iz člana 239. KZ FBiH-a (posjedovanje i omogućavanje uživanja opojnih droga)**.

(Tabela 5.) Pregled oduzete količine opojnih droga u mjesecu junu 2013/12. godine

VRSTA OPOJNE DROGE	juni 2013 GOD.	juni 2012 GOD.
Marihuana (paketići)	29	15
Marihuana (JOINT - cigarete)	3	2
Marihuana (u gramima)	200	3.010,00
Heroin (paketići)	2	3
Heroin (u gramima)	----	196
Speed (u gramima)	---	1
Amfetamin (paketići)	1	---
Cannabis (stabljike)	---	1
pribor sa ostacima droge (komada)	3	8

Podneseno je osam zahtjeva za vještačenje nepoznate materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalaženja narkotičkih sredstava izvršen je pregled deset lica, pet stambenih objekata i automobila po usmenim naredbama Opštinskog suda u Sarajevu.

1.2.6. KRIVIČNA DJELA PROTIV IMOVINE

U ovom mjesecu, registrovana su 383 krivična djela protiv imovine, što je isti broj djela kao u mjesecu junu prošle godine. Među djelima iz ove oblasti najbrojnija su: teška krađa – 225 djela (43 manje), krađa – 78 (24 više), razbojništvo – 30 (šest više), oštećenje tuđe stvari – 16 (isti broj), teška krađa u pokušaju – osam (tri više), prijevara – sedam (šest više), utaja – sedam (četiri više), prikrivanje – dva (dva manje), itd.
 Za ukupno 194 ova djela ili 50,7% identifikovan je osumnjičeni izvršilac (za 2,1% više u odnosu na uporedni mjesec).

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i “provale” u ista) - 88 puta (16 manje), stambeni objekti – 72 (15 manje), poslovni objekti – 47 (11 manje), itd.

Takođe, u mjesecu junu ove godine izvršena su 63 krivična djela teških krađa motornih vozila od čega su 23 ili 36,5% pronađena i vraćena vlasnicima (od strane policije MUP-a KS vraćeno je 11 vozila, MUP RS-a – jedno, drugih MUP-ova – tri, jedno vozilo je vraćeno uz novčanu nadoknadu, a od strane vlasnika pronađeno je sedam vozila).

Broj teških krađa motornih vozila, smanjen je za osam ili 11,3%. (tabela 7.)

(Tabela 6.) Pregled broja otuđenih i vraćenih putničkih motornih vozila na području Kantona Sarajevo po policijskim upravama u mjesecu junu 2013. godine

POLICIJSKA UPRAVA	I PU	II PU	III PU	IV PU	V PU	UKUPNO
broj otuđenih pmv	10	10	23	16	4	63
broj vraćenih pmv	3	6	5	8	1	23
% vraćenih pmv	30%	60%	21,7%	50%	25%	36,5%

Policijски službenici su tokom mjeseca juna, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv tri lica (dva manje).

(Tabela 7.) Pregled broja otuđenih motornih vozila na području Kantona Sarajevo po policijskim upravama u mjesecu junu 2013/12. godine


POLICIJSKA UPRAVA	I PU	II PU	III PU	IV PU	V PU	UKUPNO	
broj otuđenih vozila–juni 2013.g	10	10	23	16	4	63	
broj otuđenih vozila–juni 2012. g.	19	26	19	7	0	71	
uporedba juni 2013/12. godine	+, -	-9	-16	4	9	4	-8
	%	-47,4%	-61,5%	21,1%	128,6%	---	-11,3%

Prijavljeno je 78 krivičnih djela krađe (24 više), koje su izvršene 26 puta u poslovne prostorije (dva manje), 28 u stambene objekte (deset više), pet u vozilima i na stajalištima GRAS-a (tri više), 18 puta na ulici (deset više), itd., odakle su otuđivani novčanici, prehrambeni proizvodi, tehnička roba, bicikli, garderoba, alati, električni i telefonski kablovi, itd.

Registровано je 30 krivična djela razbojništva (šest više), od čega je za ukupno 16 djela identifikovan osumnjičeni izvršilac ili 53,3% što je za 21,7% manja „rasvijetljenost“.

Ova djela evidentirana su na području slijedećih općina: Centar – deset, Novo Sarajevo – devet, Novi Grad – četiri, Stari Grad i Ilidža – po tri i Vogošća - jedno djelo.

DIJAGRAM br.1 Grafički prikaz broja registrovanih krivičnih djela iz člana 289. KZFBiH (razbojništvo) po policijskim upravama MUP-a KS




Razbojništva su izvršena prijetnjom upotrebe vatrenog oružja - 14 puta, prijetnjom upotrebe noža ili drugog oštrog predmeta - šest i upotrebom fizičke snage – deset puta, a počinjena su u prodavnicama – 15 puta, na ulici - devet, u sportskoj kladionici - dva, na benzinskoj pumpi, pošti, apoteci i stanu – po jedno. Otuđivan je novac, mobiteli i nakit. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 13 lica (od čega je 11 povratnika ili 84,6%), a osam je lišeno slobode.

Evidentirana su 23 krivičnih djela teških krađa na naročito opasan ili naročito drzak način (sedam manje), u kojima su izvršioc, upotrebom fizičke snage – 19 puta, te verbalnom prijetnjom u četiri slučaja, otimali nakit, novac i mobitele. Ova djela izvršena su na otvorenom prostoru – (ulica, park, GRAS-ova stajališta i sl.) – 19 puta, u tramvaju – tri i u haustoru stambene zgrade – jedno.

Za ukupno 28 ovih krivičnih djela identifikovani su osumnjičeni izvršioc od čega je 19 dijela iz ranijeg perioda. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 16 lica (od čega je 13 povratnika ili 81,3%), a deset je lišeno slobode.

DIJAGRAM br.2 Grafički prikaz broja registrovanih krivičnih djela iz člana 287.st (1) tačka b) KZFBiH (teška krađa na naročito opasan ili naročito drzak način) po policijskim upravama MUP-a KS



1.2.7. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je osam djela (jedno manje) - izazivanje opće opasnosti, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv pet lica, a dva su lišena slobode.

- Krivična djela izazivanja opće opasnosti izvršena su šest puta na otvorenom prostoru i dva puta u stambenom objektu. U tri slučaja pucano je iz vatrenog oružja i pet puta je otvorenim plamenom izazvan požar. Posljedica izvršenja navedenih djela je nastala materijalna šteta.

1.2.8. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 25 krivičnih djela (12 manje) i to: nasilničko ponašanje – 14, krivotvorenje isprave – pet, nedozvoljeno držanje oružja ili eksplozivnih materija i sprečavanje službene osobe u vršenje službene radnje i napad na službenu osobu u vršenju poslova sigurnosti – po dva djela.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 30 lica, a devet je lišeno slobode.

1.3. KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca juna 2013. godine prijavljeno je 14 maloljetnih lica zbog postojanja osnova sumnje da su učestvovali u izvršenju 13 krivičnih djela U odnosu na isti mjesec prethodne godine, broj prijavljenih maloljetnih lica manji je za sedam ili 33,3%, a smanjen je i broj krivičnih djela koja su izvršili maloljetnici (za sedam ili 35%).

Od ukupnog broja maloljetnih izvršilaca krivičnih djela, tri su povratnika u izvršenju ovih djela (ili 21,4%), a prema starosnoj strukturi, jedan maloljetnik je u dobi do 14 godina, devet je u dobi između 14 i 16 godina, a četiri su u dobi između 16 i 18 godina.

Pregled registrovanih krivičnih djela izvršenih od strane maloljetnika po policijskim upravama u junu 2013/12. godine

POLICIJSKA UPRAVA	I PU	II PU	III PU	IV PU	V PU	UKUPNO
juni 2013.	1	6	4	2	0	13
juni 2012.	3	3	6	2	6	20
uporedba	-2	+3	-2	0	-6	-7 ili -35%

Maloljetna lica su učestvovala u izvršenju devet krivičnih djela iz oblasti protiv imovine (ili 69,2% od ukupnog broja), dva krivična djela nasilničkog ponašanja, jedno djelo posjedovanja opojne droge i jedno djelo pomoć učinitelju poslije učinjenog krivičnog djela.

Struktura krivičnih djela izvršenih od strane maloljetnih lica u junu 2013./12. godine

Naziv krivičnog djela	juni 2013.	juni 2012.	uporedba
lahka tjelesna povreda	0	1	-1 ili -100%
posjed. i omogućav. uživanja op. droga	1	2	-1 ili -50%
teška krađa	1	4	-3 ili -75%
teška krađa na naročito drzak i opasan način	2	3	-1 ili -33,3%
krađa	1	5	-4 ili -80%
krađa-pomaganje	0	1	-1 ili -100%
razbojništvo	2	3	-1 ili -33,3%
razbojništvo-pokušaj	2	0	+2
oštećenje tuđe stvari	1	1	0

pomoć učitelju poslije učinjenog krivič. djela	1	0	+1
nasilničko ponašanje	2	0	+2
UKUPNO	13	20	-7 ili -35%

1.4. OSTALA PROTIVPRAVNA I ASOCIJALNA PONAŠANJA

1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca juna 2013. godine na području Kantona Sarajevo registrovan je jedan slučaj aktiviranja minsko-eksplozivnih sredstava (kao i u istom mjesecu prošle godine). Eksplozija se dogodila ispred porodične kuće na području općine Hadžići, a izazvana je nepažnjom, kada je petero djece nakon pronalaska nepoznate eksplozivne naprave istu aktiviralo. Tom prilikom smrtno je stradalo jedno dijete, jedno je zadobilo teške tjelesne povrede, dvoje je zadobilo neutvrđen stepen povreda, a jedno je lakše povrijeđeno.

r.b	Općina	Ulica i mjesto	Datum i vrijeme	Posljedice
1.	Hadžići	Žunovačka 96, dvorište kuće	16.6.2013. oko 17,00 sati	smrtno stradalo dijete M.M.-2003. teške tjelesne povrede zadobio je M.D.-2001. neutvrđen stepen povreda zadobili su: S.J-2001.i K.A.-1999. lakše tjelesne povrede zadobio je-S.M.-2001

U proteklom mjesecu registrovan je slučaj bacanja ručne bombe u dvorište kuće na području općine Stari Grad koja nije aktivirana, kao i slučaj bacanja suzavca od strane nepoznatog izvršioca ispred ugostiteljskog objekta na području općine Stari Grad, usljed čega su povrijeđena četiri lica.

Evidentirana je jedna dojava o postavljenoj eksplozivnoj napravi (isto kao i u uporednom mjesecu prošle godine) koja se odnosila na tržni centar „Alta“, a nakon KDZ pregleda utvrđeno je da je dojava bila lažna.

1.4.2. POŽARI

Tokom mjeseca juna 2013. godine, na području Kantona Sarajevo registrovano je devet požara (dva više), koji su za posljedicu imali materijalnu štetu.

Požari su registrovani na području općina: Novi Grad i Ilidža – po četiri i Stari Grad – jedan požar.

Prema statističkim pokazateljima, šest požara je izazvano namjerno i tri zbog tehničkih nedostataka.

Zbog izazivanja požara nadležnom tužilaštvu je podneseno pet službenih izvještaja iz člana 323 KZ FBiH (izazivanje opće opasnosti).

1.4.3. OSTALE AKTIVNOSTI

U mjesecu junu ove godine, pripadnici policije su u sklopu operativnih aktivnosti izvršili pretres 74 lica, 11 stanova, izvršili utvrđivanje identiteta za 54 lica i lišili slobode 12 lica

za kojima je bila raspisana potjernica. Takođe, pružena je 21 asistencija i to na zahtjev državnih organa 18, a po zahtjevu organa i organizacija javnih ovlaštenja – tri asistencije.

U cilju dokumentovanja krivičnih djela i identifikacije izvršilaca, izvršena su 342 uviđaja, pronađeno i obrađeno 780 tragova, u 281 slučaju fotografisano je lice mjesta, 25 puta je skicirano, izvršeno 139 vještačenja i daktiloskopirano 38 lica.

U okviru potražne djelatnosti raspisano je deset potjernica od strane sudova Kantona Sarajevo, a 15 je obustavljeno. Takođe, zaprimljeno je 13 prijava o nestalim licima, a osam je obustavljeno iz izvještajnog i ranijeg perioda.

U okviru depešnog saobraćaja predato je 2.389 depeša, primljeno 4.945, zatim tranzitirana 921, dok je za područje RS-a i Granične policije faksom predato 27 depeša, što ukupno iznosi 8.282 obrađene i razmjenjene depeše.

Za potrebe tužilaštva i drugih nadležnih organa izvršene su 3.774 provjere iz evidencija, na zahtjev građana izdata 284 uvjerenja o njihovoj osuđivanosti ili neosuđivanosti, izvršena četiri brisanja osuda iz evidencija u nadležnosti Ministarstva, otvoreno 95 novih dosja i evidentirana 454 lica oštećenih činjenjem krivičnih djela. Takođe, kontinuirano su pripremane informacije, pregledi i analize za interno i eksterno informisanje.

1.4.4. SAMOUBISTVA

U mjesecu junu 2013. godine na području Kantona Sarajevo registrovano je pet samoubistva (jedno više) i to na području općina Ilijaš – dva, Stari Grad, Novo Sarajevo i Novi Grad – po jedno. Suicidi su izvršeni vješanjem – četiri i upotrebom vatrenog oružja - jedno, a izvršiocu su jedna žena i četiri muškarca i to u dobi preko 50 godina – tri lica i od 20 do 40 godina - dva lica.

2. JAVNI RED I MIR

Policijski službenici MUP-a Kantona Sarajevo su u toku mjeseca juna 2013. godine zbog raznih oblika narušavanja javnog reda i mira preduzeli **553 prekršajne sankcije** (prekršajnih naloga - 401, zahtjeva za pokretanje prekršajnog postupka-152), **protiv 592 lica**. U odnosu na mjesec juni 2012. godine, **broj prekršajnih sankcija povećan je za 55 ili 11%**, a broj **učinilaca** prekršaja **povećan je za 40 ili 7,2%**.

Na prekršaje utvrđene Zakonom o prekršajima protiv javnog reda i mira odnose se 474 ili 85,7% prekršajnih sankcija, a na prekršaje koji su utvrđeni Odlukom općinskih vijeća 79 ili 14,3%.

Prema starosnoj strukturi lica protiv kojih su preduzete prekršajne sankcije, od njih 592 najbrojniji su oni starosne dobi preko 36 godina (271), zatim između 26 i 35 godina (182) i između 19 i 25 godina (128), dok je maloljetnih izvršilaca bilo 11. Među izvršiocima prekršaja 79 je onih koji su i ranije činili prekršaje (povratnici).

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u istom mjesecu 2012. godine), dok su lakše povrijeđena 23 lica (28 ili 54,9% manje).

Tabelarni pregled broja uručenih prekršajnih naloga i podnesenih zahtjeva za pokretanje prekršajnog postupka za mjesec juni 2013. godine po policijskim stanicama/odjeljenjima/jedinica

Policijska stanica-odjeljenje-jedinica	Broj prekršajnih naloga	Broj zahtjeva za pokretanje pp	Ukupan broj naloga i zahtjeva
Stari Grad	149	13	162
Centar	108	37	145
Novo Sarajevo	73	18	91
Novi Grad	19	56	75
Ilidža	17	8	25
Hadžići	15	12	27
Vogošća	16	4	20
Ilijaš	1	3	4
Trnovo	0	0	0
Jedinica za saobraćaj	3	1	4
UKUPNO	401	152	553

Posmatrano po policijskim upravama, najveći broj prekršajnih sankcija preduzeli su policijski službenici Prve policijske uprave (307 ili 55,5% od ukupnog broja), s tim da su službenici Policijske stanice Stari Grad preduzeli 162, a PS Centar 145 sankcija. Zatim slijede Druga policijska uprava-91, Treća policijska uprava-75, Četvrta policijska uprava 52 (PS Ilidža 25 i PS Hadžići 27), te Peta policijska uprava-24 prekršajne sankcije (PS Vogošća 20 i PS Ilijaš četiri). Službenici Jedinice za saobraćaj MUP-a KS preduzeli su četiri prekršajne sankcije.

Tabelarni pregled broja prekršajnih sankcija za mjesec juni 2013/2012. godine- po policijskim upravama

period	POLICIJSKA UPRAVA						UKUPNO
	I PU	II PU	III PU	IV PU	V PU	JZS*	
juni 2013.	307	91	75	52	24	4	553
juni 2012.	184	127	95	54	32	6	498
	+123 (66,8%)	-36 (-28,3%)	-20 (-21,1%)	-2 (-3,7%)	-8 (-25%)	-2 (-33,3%)	+55 (11%)

*Jedinica za saobraćaj MUP-a KS

Povećanje broja prekršajnih sankcija, u odnosu na mjesec juni 2012. godine, imala je Prva policijska uprava dok su sve ostale imale smanjenje toga broja. Najveće povećanje imala je Policijska stanica Stari Grad (za 109 ili 205,7%), na što su uticale pojačane aktivnosti na sprečavanju i sankcionisanju prekršaja koji se čine prosjačenjem koje je i najizraženije na području općine Stari Grad. Inače, od ukupnog broja prekršajnih sankcija koje su preduzete u Policijskoj stanici Stari Grad, 132 ili 81,5% odnosi se na prekršaje učinjene prosjačenjem

Prema strukturi prekršaja, prevladavaju prekršaji učinjeni **prosjačenjem- 210** (ili 38%), a zatim **tučama - 67** (ili 12,1%), **odbijanjem naređenja i omalovažavanjem policijskih službenika - 54** (ili 9,8%), te **naročito drskim ponašanjem- 53** (ili 9,6%). Registrovano je još i 12 prekršaja učinjenih svadom, vikom i neprikladnim ponašanjem, te četiri prekršaja učinjena neovlaštenom upotrebom oružja. Ostalih prekršaja je bilo 74, a 79 je podneseno u skladu sa Odlukom općinskih vijeća.

Tabelarni pregled strukture prekršaja iz oblasti javnog reda i mira
za mjesec juni 2013/2012. godine

STRUKTURA PREKRŠAJA	JUNI 2013.	JUNI 2012.	uporedba
UKUPNO prekršajnih naloga i zahtjeva za ppp	553	498	+55 ili 11%
UKUPNO lica	592	552	+40 ili 7,2%
Prekršaji prema Zakonu o prekršajima protiv JRiM:	474	421	+53 ili 12,6%
<i>-Tuče</i>	67	113	-46 ili -40,7%
<i>-Naročito drsko ponašanje</i>	53	80	-27 ili -33,8%
<i>-Odbijanje naređenja i omalovažavanje pol. služb.</i>	54	48	+6 ili 12,5%
<i>-Neovlaštena upotreba oružja</i>	4	0	+4
<i>-Prosjačenje</i>	210	100	+110 ili 110%
<i>-Svađa, vika, nepristojno ponašanje</i>	12	12	0
<i>-Ostali prekršaji</i>	74	68	+6 ili 8,8%
Nalozi/ zahtjevi prema Odluci općinskih vijeća o JRM	79	77	+2 ili 2,6%

Za mjesec juni ove godine karakteristično je izrazitije povećanje broja prekršaja učinjenih prosjačenjima, kao i znatno smanjenje broja prekršaja učinjenih tučama i naročito drskim ponašanjem.

Posmatrano po mjestu izvršenja, najveći broj prekršaja izvršen je **na ulici i na drugim otvorenim prostorima- 476** ili 86,1%, a znatno manje u **ugostiteljskim objektima- 40** ili 7,2%, na sportskim terenima- šest, u trgovinskim radnjama- dva i po jedan u školama i vozilima javnog saobraćaja. Na svim ostalim mjestima izvršeno je 27 prekršaja.

Tabelarni pregled broja prekršajnih sankcija prema mjestu izvršenja
u mjesecu junu 2013/2012. godine

MJESTO IZVRŠENJA	JUNI 2013.	JUNI 2012.	uporedba
<i>Ulica i drugi otvoreni prostor</i>	476	376	+100 ili 26,6%
<i>Ugostiteljski objekti</i>	40	53	-13 ili -24,5%
<i>Vozila javnog saobraćaja</i>	1	5	-4 ili -80%
<i>Škole (školska dvorišta)</i>	1	13	-12 ili -92,3%
<i>Trgovinske i zanatske radnje</i>	2	0	+2
<i>Sportski stadioni i dvorane</i>	6	0	+6
<i>Ostala mjesta</i>	27	51	-24 ili -47,1%
UKUPNO	553	498	+55 ili 11%

U odnosu na mjesec juni 2012. godine, smanjen je broj prekršaja izvršenih u ugostiteljskim objektima, školama, vozilima javnog saobraćaja i na ostalim mjestima, a povećan na ulici, sportskim terenima i u trgovinskim radnjama.

U proteklom mjesecu podnesena su dva službena izvještaja nadležnom tužilaštvu zbog krivičnih djela izvršenih ispred škola (jedan manje u odnosu na juni 2012. godine) i to zbog krivičnih djela nasilničko ponašanje i pomoć učitelju pri izvršenju krivičnog djela.

U proteklom mjesecu policijski službenici su preduzimali planske i organizovane aktivnosti na osiguranju 186 javnih skupova održanih na području Kantona Sarajevo (20 manje u odnosu na isti mjesec 2012. godine) koja su u većini slučajeva protekla

bezbjedno i bez ozbiljnijih incidenata, a u 17 slučajeva izvršeno je KDZ osiguranje ovih skupova (devet ili 34,6% manje).

Policijski službenici MUP-a Kantona Sarajevo su tokom mjeseca juna 2013. godine profesionalno i u skladu sa Zakonom, poštujući sva prava građana, vršili osiguranje protestnih okupljanja građana povodom nedonošenja Zakona o JMBG, koji se skoro svakodnevno održavaju ispred Institucija BiH uz prisustvo od 20-tak do nekoliko hiljada građana.

U saradnji sa drugim policijskim agencijama, policijski službenici MUP-a KS vršili su osiguranje protestnog okupljanje građana koje je započelo 05.06.2013.godine i proticalo je mirno i bez incidenata. Dana 07.06.2013.godine u 03.45 sati otpočela je evakuacija uposlenika i stranih državljana iz zgrade Institucija BiH, s obzirom da su svi ulazi i izlazi bili blokirani, i ista je završena u 04.15 sati. Za to vrijeme veliki dio protestanata se samoinicijativno razišao, nakon čega je ostalo oko 50-tak osoba koje su počele narušavati javni red i mir vikom, galamom i omalovažavanjem ovlaštenih službenih lica.

Nakon toga policijski službenici su izdali naredbu da prestanu sa takvim ponašanjem i da se mirno raziđu. Oko 30 protestanata je postupilo po naredbi i počeli su se udaljavati dok je oko 20-tak osoba, većinom u alkoholisanom stanju, počelo negodovati prema onim koji su napuštali plato, kao i prema policijskim službenicima.

Došlo je i do fizičkog konflikta između ove dvije skupine, te su policijski službenici, u cilju sprečavanja sukoba, ograničenom intervencijom tzv. „poretkom“, bez upotrebe sile iste potisnuli sa platoa i ponovo izdali naredbu da učesnici prestanu sa narušavanjem javnog reda i mira. Manji broj učesnika je na ovu naredbu reagovao bacanjem flaša i drugih predmeta na policijske službenike. Ovom prilikom, a u skladu sa članom 8. Zakona o prekršajima F BiH, zbog narušavanja javnog reda i mira, te nepostupanja po naredbi ovlaštenih službenih osoba, slobode su lišeni: B.B., J.I.J., S.A., Š.Đ.i S.D. svi iz Sarajeva. Sva naredna okupljanja građana ispred Institucija BiH proticala su bez narušavanja javnog reda i mira.

3. SAOBRAĆAJ

Tokom mjeseca juna 2013. godine, u odnosu na isti mjesec prošle godine, na području Kantona Sarajevo povećan je ukupan broj saobraćajnih nezgoda, nezgoda sa materijalnom štetom i nastradalim licima, kao i broj nastradalih lica.

Registrovano je 895 saobraćajnih nezgoda (80 ili 9,8 % više), 806 sa materijalnom štetom (71 ili 9,7 % više) i 89 sa nastradalim licima (9 ili 11,2 % više).

U naselju su registrovane 874 saobraćajne nezgode (jedna sa poginulim, 82 sa povrijeđenim licima i 791 sa materijalnom štetom), van naselja 21 nezgoda (jedna sa poginulim, pet sa povrijeđenim licima i 15 sa materijalnom štetom).

Evidentirano je 168 saobraćajnih nezgoda na raskrsnicama u naselju, na raskrsnicama van naselja, u tunelu i prelazu preko željezničke pruge – po jedna nezgoda i 724 saobraćajne nezgode čije se karakteristike ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo za mjesec juni 2013/2012. godina

	juni 2013	juni 2012	+, -, %
UKUPNO SAOBRAĆAJNIH NEZGODA	895	815	+ 80 ili 9,8 %
Saobraćajne nezgode sa nastradalim licima	89	80	+ 9 ili 11,2 %
Saobraćajne nezgode sa materijalnom štetom	806	735	+ 71 ili 9,7 %
POGINULO LICA	2	2	isto
- vozači	0	1	- 1
-putnici	0	0	-----
- pješaci	2	1	+ 1 ili 100 %
POVRIJEĐENO LICA	127	96	+ 31 ili 32,3 %
- vozači	55	48	+ 7 ili 14,6 %
- putnici	41	21	+ 20 ili 95,2 %
- pješaci	31	27	+ 4 ili 14,8 %

Najveći broj saobraćajnih nezgoda evidentiran je na području općina: Novi grad (193) i Centar (176). Najveće povećanje broja saobraćajnih nezgoda registrovano je na području općine Novo Sarajevo (za 24 ili 17,1%), a smanjenje na području općine Stari Grad (za 16 ili 15,1 %).

Tabelarni pregled broja saobraćajnih nezgoda po općinama za mjesec juni 2013/2012. godina

period	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
juni 2013	90	176	164	193	156	32	3	44	37	895
juni 2012	106	170	140	178	137	24	1	46	13	815
+, -, %	- 16 ili 15,1 %	+ 6 ili 3,5 %	+ 24 ili 17,1 %	+ 15 ili 8,4 %	+ 19 ili 13,9 %	+ 8 ili 33,3 %	+ 2 ili 200 %	- 2 ili 4,3 %	+ 24 ili 184,6 %	+ 80 ili 9,8 %

3.1. POSLJEDICE SAOBRAĆAJNIH NEZGODA

Tokom mjeseca juna 2013. godine, u saobraćajnim nezgodama na području Kantona Sarajevo 129 lica je nastradalo (31 ili 31,6 % više). Dva lica su poginula ⁵(isto kao u junu prošle godine), dok je 127 lica povrijeđeno (31 ili 32,3 % više), 25 teže i 102 lakše.

Među povrijeđenim licima evidentirano je:

- 55 vozača (sedam više)
- 41 putnik (20 više)
- 31 pješak (četiri više)

⁵ Dana 07.06.2013. godine, u Ulici M.M. Bašeskije (općina Stari Grad), poginuo je K. B. (65) – pješak.

Dana 16.06.2013. godine, na magistralnom putu M 5, u tunelu Vratnik (općina Stari Grad), poginuo je M. N. (73) – pješak.

Tabelarni pregled nastradalih lica u saobraćajnim nezgodama po kategoriji učesnika za mjesec juni 2013/2012. godina

	POGINULI			TEŠKO POVRIJEĐENI			LAKŠE POVRIJEĐENI		
	juni 2013	juni 2012	+, -, %	juni 2013	juni 2012	+, -, %	juni 2013	juni 2012	+, -, %
VOZAČI	0	1	-1	10	6	+ 4 ili 66,7 %	45	42	+ 3 ili 7,1 %
PUTNICI	0	0	-----	4	1	+ 3 ili 300 %	37	20	+ 17 ili 85 %
PJEŠACI	2	1	+ 1 ili 100 %	11	11	isto	20	16	+ 4 ili 25 %
UKUPNO	2	2	isto	25	18	+ 7 ili 38,9 %	102	78	+ 24 ili 30,8 %

Kada je u pitanju stepen povreda, 10 vozača je teže, a 45 lakše povrijeđeno, četiri putnika su teže, a 37 lakše povrijeđeno, dok je 11 pješaka teže, a 20 lakše povrijeđeno.

Najveći broj povrijeđenih lica registrovan je na području općina: Ilidža – 31 (dva teže i 29 lakše) i Novo Sarajevo - 25 (pet teže i 20 lakše).

Posljedice saobraćajnih nezgoda po policijskim upravama/stanicama za mjesec juni 2013/2012. godine

policijska uprava	policijska stanica/odjeljenje	broj poginulih lica			broj teže povrijeđenih lica			broj lakše povrijeđenih lica		
		juni 2013	juni 2012	uporedba	juni 2013	juni 2012	uporedba	juni 2013	juni 2012	uporedba
I PU	Stari grad	2	0	+ 2	6	0	+ 6	8	5	+ 3 ili 60 %
	Centar	0	0	-----	5	4	+ 1 ili 25 %	11	10	+ 1 ili 10 %
II PU	Novo Sarajevo	0	0	-----	5	3	+ 2 ili 66,7 %	20	11	+ 9 ili 81,8 %
III PU	Novi Grad	0	0	-----	1	5	- 4 ili 80 %	19	22	- 3 ili 13,6 %
IV PU	Ilidža	0	1	- 1	2	2	isto	29	18	+ 11 ili 61,1 %
	Hadžići	0	0	-----	2	0	+ 2	2	3	- 1 ili 33,3 %
	Trnovo	0	0	-----	1	0	+ 1	0	0	-----
V PU	Vogošća	0	1	- 1	3	3	isto	3	6	- 3 ili 50 %
	Ilijaš	0	0	-----	0	1	- 1	10	3	+ 7 ili 233,3 %
UKUPNO		2	2	isto	25	18	+ 7 ili 38,9 %	102	78	+ 24 ili 30,8 %

Starosna struktura lica povrijeđenih u saobraćajnim nezgodama je sljedeća: od 25 do 30 godina – 29 lica, od 31 do 40 godina – 20 lica, od 21 do 24 godine -16 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju –578 nezgoda u kojima su 72 lica nastradala (jedno lice poginulo, 71 povrijeđeno), zatim na lokalnim putevima - 202 nezgode u kojima su 22 lica povrijeđena, na magistralnim putevima -91 nezgoda u kojoj je 26 lica nastradalo (jedno lice poginulo, 25 povrijeđeno), na regionalnim putevima– 12 nezgoda (tri lica povrijeđena), i na putevima koji se ubrajaju u kategoriju ostalih – 12 saobraćajnih nezgoda (šest lica povrijeđeno).

3.2. UZROCI SAOBRAĆAJNIH NEZGODA

Od ukupno 735 uzroka saobraćajnih nezgoda, 147 je bilo zbog neprilagođene brzine (jedno lice poginulo, 49 lica povrijeđeno), 13 zbog uticaja alkohola (osam lica povrijeđeno), dok uzroci za 735 saobraćajnih nezgoda spadaju u kategoriju ostalih (jedno lice poginulo, 70 lica povrijeđena).

Evidentirano je osam saobraćajnih nezgoda (tri manje), u kojima su učestvovali pripadnici MUP- Kantona Sarajevo. U navedenim saobraćajnim nezgodama povrijeđena su dva pješaka. Takođe, evidentirane su tri nezgode u kojima su učestvovali pripadnici SIPE, dvije sa pripadnicima sudske policije i jedna saobraćajna nezgoda u kojoj je učestvovao pripadnik Granične policije (bez nastradalih lica).

Evidentirano je 35 saobraćajnih nezgoda (dvije više) u kojima su učestvovali inostrani vozači i četiri nezgode (četiri manje) u kojima su učestvovali vozači OSCE-a i ostalih međunarodnih organizacija (bez nastradalih lica).

3.3. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec juni 2013/2012. godine

	juni 2013/2012	UKUPNO	I PU	II PU	III PU	IV PU	V PU	Jedinica za saob.
broj kontrolisanih vozila	2012	27.774	5.320	2.832	8.621	4.349	2.022	4.630
	2011	24.397	3.227	2.189	8.431	3.053	2.032	5.465
broj uručenih prekršajnih naloga	2012	17.197	4.757	1991	1.608	1.011	980	6.850
	2011	12.767	2.501	1.243	1.050	900	712	6.361
broj zahtjeva za p.p.p.	2012	31	11	0	0	8	3	9
	2011	36	20	2	0	5	0	9
broj isključenih vozila iz saobraćaja zbog tehničke neispravnosti	2012	50	1	1	15	0	0	33
	2011	35	1	2	0	0	1	31
broj vozača zatečenih da upravljaju vozilom pod dejstvom alkohola	2012	341	57	76	16	21	32	139
	2011	475	123	50	21	26	41	214
broj vozača zatečenih da upravljaju vozilom bez korištenja sig. pojasa	2012	838	138	371	41	118	170	0
	2011	1.100	136	246	51	158	178	331
broj vozača zatečenih da upravljaju vozilom bez položenog vozačkog ispita	2012	360	64	65	30	45	11	145
	2011	405	63	49	31	17	15	230
broj vozača zatečenih da upravljaju vozilom pod izrečenom zaštitnom mj.	2012	0	0	0	0	0	0	0
	2011	0	0	0	0	0	0	0
broj vozila otkrivenih da učestvuju u saobraćaju bez važeće registracije	2012	264	45	29	17	30	14	129
	2011	361	41	23	21	32	30	214

Tokom mjeseca juna 2013. godine, kontrolisano je ukupno 27.774 vozila (3.377 više), 9.023 lica u vozilima (30 više), izvršen je pregled 712 vozila (344 više) i 526 lica u vozilima (198 više).

Zbog tehničke neispravnosti iz saobraćaja je isključeno 50 vozila (15 više), 341 vozač je zatečen da upravlja vozilom pod dejstvom alkohola (134 manje), 838 bez korištenja sigurnosnog pojasa (262 manje), 360 bez položenog vozačkog ispita (45 manje), a 264 vozača su učestvovala u saobraćaju bez važeće registracije (97 manje).

Zbog kršenja propisa iz oblasti sigurnosti saobraćaja uručeno je 17.197 prekršajnih naloga vozačima (4.430 više u odnosu na juni prošle godine) i podnesen 31 zahtjev za pokretanje prekršajnog postupka (pet manje). Evidentirano je osam krivičnih djela zbog ugrožavanja sigurnosti javnog prometa (jedno više).

3.4. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca juna 2013. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 6.728 prekršajnih naloga (3.523 više), upozoreno je 618 vozača (169 više), a specijalnim vozilom "pauk" premješteno je 206 vozila (25 manje).

Najveći broj vozača koji su vozila nepropisno parkirali i prema kojima su preduzimate odgovarajuće mjere, evidentiran je na području općina: Stari Grad –2.335 uručenih prekršajnih naloga i Centar – 1.608.

U pogledu kontrole pješaka, uručena su 82 prekršajna naloga (29 više) i upozoreno 130 pješaka (38 više).

4. ZAKONITOST U RADU

Tokom mjeseca juna 2013. godine, registrovana su dva napada (jedan više) na policijske službenike. Napadi su izvršeni na policijske službenike Prve i Četvrte PU od strane dva punoljetna lica.

Policijski službenici su u četiri slučaja opravdano upotrijebili silu (jednu više):

- fizičku snagu i sredstva za vezivanje – četiri puta
Prva PU – tri puta (PS Centar – dva puta; PS Stari Grad – jednom;)
Jedinica za saobraćaja – jednom

Tokom mjeseca juna 2013. godine, registrovane su 32 predstavke na rad službenika policije među kojima je za devet predstavki (pet više) data saglasnost za sprovođenje unutrašnjih istraga, za 21 predstavku je donesen zaključak da je neosnovana, u jednom slučaju predstavka je odložena i u jednom slučaju proslijeđena Upravi administracije i podrške.

Postupano je po 20 predstavki iz ranijeg perioda, tako da je razmatrano ukupno 29 predstavki (10 manje).

Okončano je osam unutrašnjih istraga, među kojima je u pet slučajeva žalba neosnovana, u dva slučaja nije bilo dovoljno dokaza i u jednom slučaju stranka je odustala od žalbe.

Takođe, uz saglasnost Ureda za pritužbe javnosti, postupano je po devet raznih akata koji nisu imali karakter predstavke.

4.1. PRAVNA REGULATIVA

U oblasti pravne regulative izvršeni su slijedeći poslovi:

- Dostavljen je odgovor u vezi Nacrta Zakona o uređenju saobraćaja na području Kantona Sarajevo.

U toku su aktivnosti na izradi:

- Pravilnika o upotrebi sile,
- Uputstva o postupanju policijskih službenika prilikom vršenja uviđaja saobraćajnih nezgoda i
- Uputstva o pružanju pomoći prilikom vršenja obezbjeđenja koja spadaju u nadležnost drugih državnih institucija.

5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U mjesecu junu ove godine evidentirana su četiri djela regulisanih ZONDINOM-om (četiri manje) počinjenih od strane četiri lica od kojih je jedno lišeno slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je: 12 pištolja, dvije puške, jedna ručna bomba, 13 „noževa, mačeva i sl.“, 227 komada municije raznog kalibra, itd.

Takođe, tokom mjeseca juna organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovali u realizaciji akcije ”ŽETVA 2013” s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji prikupljeno je slijedeće naoružanje:

- ručne bombe – sedam komada,
- pištolj – jedan kom.,
- mine, granate, trombloni i sl. – tri kom.,
- municija raznog kalibra – 81 komada, itd.

U mjesecu junu fizičkim licima izdato je 70 odobrenja za nabavku vatrenog oružja i 93 oružna lista.

MINISTAR

Dipl. pravnik Nermin Pećanac